

ÁKVÖRÐUN FRAMKVÆMDASTJÓRNARINNAR

frá 17. febrúar 1997

um aðferð við staðfestingu á samræmi byggingarvara samkvæmt 2. mgr. 20. gr. tilskipunar ráðsins 89/106/EBE að því er varðar smíðavið í burðarvirki og fylgihluti(*)

(Texti sem varðar EES)

(97/176/EB)

FRAMKVÆMDASTJÓRN EVRÓPUBANDALAGANNA HEFUR,

með hliðsjón af stofnsáttmála Evrópubandalagsins,

með hliðsjón af tilskipun ráðsins 89/106/EBE frá 21. desember 1988 um samræmingu á lögum og stjórnslufyrirmælum aðildarríkjanna um byggingarvörur⁽¹⁾, eins og henni var breytt með tilskipun 93/68/EBE⁽²⁾, einkum 4. mgr. 13. gr.,

og að teknu tilliti til eftirfarandi:

Þegar staðfesta á samræmi vöru skal framkvæmdastjórnin velja á milli aðferðanna tveggja sem kveðið er á um í 3. mgr. 13. gr. í tilskipun 89/106/EBE og ætíð velja „auðveldustu aðferðina af þeim sem samrýmast öryggissjóðarmiðum“. Þetta merkir að nauðsynlegt er að ákveða, með tilliti til ákveðinnar vöru eða vöruflokks, hvort framleiðslustýringarkerfi í verksmiðju, sem framleiðandi ber ábyrgð á, er nauðsynlegt og fullnægjandi skilyrði fyrir staðfestingu á samræmi eða hvort þörf er á afskiptum viðurkennds vottunaraðila af ástæðum sem varða viðmiðanirnar í 4. mgr. 13. gr.

Samkvæmt 4. mgr. 13. gr. skal aðferðin, sem þannig er valin, tilgreind í umboðunum og tækniforskriftunum. Því er æskilegt að nota sömu skilgreiningu á hugtakinu vörur eða vöruflokkar og notuð er í umboðunum og tækniforskriftunum.

Aðferðunum tveimur, sem kveðið er á um í 3. mgr. 13. gr., er lýst ítarlega í III. viðauka við tilskipun 89/106/EBE. Því er nauðsynlegt að tilgreina með skýrum hætti, með hliðsjón af III. viðauka, hvernig

þessum tveimur aðferðum skuli beitt að því er varðar hverja vöru eða vöruflokk þar eð ákveðin kerfi eru tekin fram yfir önnur í III. viðauka.

Aðferðin, sem um getur í a-lið 3. mgr. 13. gr., svarar til kerfanna sem eru tilgreind í fyrsta kosti, án stöðugs eftirlits, og öðrum og þriðja kosti í ii-lið 2. þáttar III. viðauka og aðferðin, sem um getur í b-lið 3. mgr. 13. gr., svarar til kerfanna sem eru tilgreind í i-lið 2. þáttar III. viðauka og í fyrsta kosti í ii-lið 2. þáttar III. viðauka, með stöðugu eftirliti.

Ráðstafanirnar, sem kveðið er á um í þessari ákvörðun, eru í samræmi við álit fastanefndarinnar um byggingarmál.

SAMÞYKKT ÁKVÖRÐUN ÞESSA:

1. gr.

Staðfesta skal samræmi vara og vöruflokka, sem eru tilgreind í I. viðauka, með aðferð þar sem framleiðandi ber einn ábyrgð á framleiðslustýringarkerfi verksmiðju sem tryggir að varan sé í samræmi við viðeigandi tækniforskriftir.

2. gr.

Staðfesta skal samræmi vara, sem eru tilgreindar í II. viðauka, með aðferð þar sem gert er ráð fyrir, til viðbótar við framleiðslustýringarkerfi verksmiðju sem framleiðandi starfrækir, þátttöku viðurkennds vottunaraðila við mat og eftirlit með framleiðslustýringunni eða vörunni sjálfri.

(*) Þessi EB-gerð, sem birtist í Stjtið. EB nr. L 73, 14. 3. 1997, bls. 19, var nefnd í ákvörðun sameiginlegu EES-nefndarinnar nr. 51/98 frá 29. maí 1998 um breytingu á II. viðauka (Tæknilegar reglugerðir, staðlar, prófanir og vottun) við EES-samninginn, sjá þessa útgáfu af EES-viðbæti við Stjórnartíðindi Evrópubandalagsins.

(1) Stjtið. EB nr. L 40, 11. 2. 1989, bls. 12.

(2) Stjtið. EB nr. L 220, 30. 8. 1993, bls. 1.

3. gr.

Í stöðlunarbodum skal tiltekið hvaða aðferð skuli notuð til að staðfesta samræmi samkvæmt III. viðauka.

4. gr.

Ákvörðun þessari er beint til aðildarríkjanna.

Gjört í Brussel 17. febrúar 1997.

Fyrir hönd framkvæmdastjórnarinnar,

Martin BANGEMANN

framkvæmdastjóri.

I. VIÐAUKI**Fylgihlutir fyrir smíðavið í burðarvirki**

Tengihlutar fyrir smíðavið í burðarvirki, geirhringar, sívalir stál- og tréblindar, tréskrúfur, snittaðir boltar, trésaumur.

Þessar byggingarvörur geta verið meðhöndlaðar með vörn gegn bruna eða líffræðilegu áreiti eða verið án slíkrar meðhöndlunar.

II. VIÐAUKI**Gegnheill smíðaviður í burðarvirki***Hlutar*

Búarhlutar, grindarbitar, brautarbitar, gólf-, vegg- og þakeiningar, svo sem burðarbitar, bogar, þverbjálkar, sperrur, stöplar, staurar, stólpar.

Samstæður

Grindarbitar, gólf, veggir, þök, rammar.

Þessar byggingarvörur geta verið meðhöndlaðar með vörn gegn bruna eða líffræðilegu áreiti eða verið án slíkrar meðhöndlunar.

Tréstaumar**Burðarbitar úr lagskiptu límtré og aðrar límdar trévörur***Hlutar*

Búarhlutar, grindarbitar, gólf-, vegg- og þakeiningar, svo sem burðarbitar, bogar, þverbjálkar, sperrur, stöplar, staurar, stólpar.

Samstæður

Grindarbitar, gólf, veggir, þök, rammar.

Þessar byggingarvörur geta verið meðhöndlaðar með vörn gegn bruna eða líffræðilegu áreiti eða verið án slíkrar meðhöndlunar.

III. VIÐAUKI

VÖRUFLOKKUR

SMÍÐAVIÐUR Í BURÐARVIRKI (1/3)

Kerfi til staðfestingar á samræmi

Fyrir þær vörur og þau áformuðu not, sem getið er hér á eftir, eru Staðlasamtök Evrópu/Rafstaðlasamtök Evrópu (CEN/CENELEC) beðin að tilgreina eftirfarandi kerfi til staðfestingar á samræmi í viðeigandi samhæfðum stöðlum:

Vara/vörur	Áformuð not	Stig eða flokkur/flokkar (Viðbrögð við bruna)	Kerfi til staðfestingar á samræmi
Þessar byggingarvörur geta verið meðhöndlaðar með vörn gegn bruna eða líffræðilegu áreiti eða verið án slíkrar meðhöndlunar	Í brýr, járnbrautarteina og byggingar	A, B, C ⁽¹⁾	1 ⁽⁴⁾
Gegnheill smíðaviður í burðarvirki		A, B, C ⁽²⁾ A ⁽³⁾ , D, E, F	2+ ⁽⁵⁾
<i>Hlutar</i>			
Brúarhlutar, grindarbitar, brautarbitar, gólf-, vegg- og þakeiningar, svo sem burðarbitar, bogar, þverbjálkar, sperrur, stöplar, staurar, stólpar			
<i>Samstæður</i>			
Grindarbitar, gólf, veggir, þök, rammar			
Tréstaurar	Fyrir loftlínur		2+ ⁽⁵⁾

⁽¹⁾ Efni sem geta breyst með tilliti til viðbragða við bruna á meðan á framleiðsluferlinu stendur hvað nothæfi varðar (yfirleitt er um að ræða efni sem eru framleidd úr eldfimur hráefnum).

⁽²⁾ Efni sem breytast ekki með tilliti til viðbragða við bruna á meðan á framleiðsluferlinu stendur hvað nothæfi varðar (yfirleitt er um að ræða efni sem eru framleidd úr eldtraustum hráefnum).

⁽³⁾ Efni í flokki A sem ekki þarfnast prófunar með tilliti til viðbragða við bruna samkvæmt ákvörðun 96/603/EB.

⁽⁴⁾ 1. kerfi: Sjá i-lið 2. þáttar III. viðauka við tilskipun 89/106/EBE án úttektarprófunar á sýnum.

⁽⁵⁾ Kerfi 2+: Sjá fyrsta kost í ii-lið 2. þáttar III. viðauka við tilskipun 89/106/EBE, þar með talin vottun samþykks aðila á framleiðslustýringu í verksmiðju á grundvelli fyrstu skoðunar á verksmiðju og á framleiðslustýringu í verksmiðju sem og stöðugs eftirlits, mats og samþykkis á framleiðslustýringu í verksmiðju.

Forskriftin fyrir kerfið skal þannig úr garði gerð að hægt sé að nota hana, jafnvel þegar ekki er þörf á að ákvarða nothæfi tiltekins eiginleika, þar sem ekki hafa verið gerðar neinar lögboðnar kröfur um viðkomandi eiginleika í minnst einu aðildarríki (sjá 1. mgr. 2. gr. tilskipunar 89/106/EBE og, eftir atvikum, lið 1.2.3. í grunnskjölnum). Í slíkum tilvikum má ekki gera þá kröfu til framleiðandans að hann sannprófi viðkomandi eiginleika, óski hann ekki eftir að tilgreina nothæfi vörunnar í þeim efnum.

VÖRUFLOKKUR

SMÍÐAVIÐUR Í BURÐARVIRKI (2/3)

Kerfi til staðfestingar á samræmi

Fyrir þær vörur og þau áformuðu not, sem getið er hér á eftir, eru Staðlasamtök Evrópu/Rafstaðlasamtök Evrópu (CEN/CENELEC) beðin að tilgreina eftirfarandi kerfi til staðfestingar á samræmi í viðeigandi samhæfðum stöðlum:

Vara/vörur	Áformuð not	Stig eða flokkur/flokkar (Viðbrögð við bruna)	Kerfi til staðfestingar á samræmi
<p>Þessar byggingarvörur geta verið meðhöndlaðar með vörn gegn bruna eða líffræðilegu áreiti eða verið án slíkrar meðhöndlunar</p> <p>Burðarbitar úr lagskiptu límtré og aðrar límdar trévörur</p> <p><i>Hlutar</i></p> <p>Brúarhlutar, grindarbitar, gólf-, vegg- og þakeiningar, svo sem burðarbitar, bogar, þverbjálkar, sperrur, stöplar, staurar, stólpar</p> <p><i>Samstæður</i></p> <p>Grindarbitar, gólf, veggir, þök, rammar</p>	Í brýr og byggingar		1 (*)

(*) 1. kerfi: Sjá í-lið 2. þáttar III. viðauka við tilskipun 89/106/EBE án úttektarprófunar á sýnum.

Forskriftin fyrir kerfið skal þannig úr garði gerð að hægt sé að nota hana, jafnvel þegar ekki er þörf á að ákvarða nothæfi tiltekins eiginleika, þar sem ekki hafa verið gerðar neinar lögboðnar kröfur um viðkomandi eiginleika í minnst einu aðildarríki (sjá 1. mgr. 2. gr. tilskipunar 89/106/EBE og, eftir atvikum, lið 1.2.3. í grunnskjölnum). Í slíkum tilvikum má ekki gera þá kröfu til framleiðandans að hann sannprófi viðkomandi eiginleika, óski hann ekki eftir að tilgreina nothæfi vörunnar í þeim efnum.

VÖRUFLOKKUR

SMÍÐAVIÐUR Í BURÐARVIRKI (3/3)

Kerfi til staðfestingar á samræmi

Fyrir þær vörur og þau áformuðu not, sem getið er hér á eftir, eru Staðlasamtök Evrópu/Rafstaðlasamtök Evrópu (CEN/CENELEC) beðin að tilgreina eftirfarandi kerfi til staðfestingar á samræmi í viðeigandi samhæfðum stöðlum:

Vara/vörur	Áformuð not	Stig eða flokkur/flokkar (Viðbrögð við bruna)	Kerfi til staðfestingar á samræmi
<p>Þessar byggingarvörur geta verið meðhöndlaðar með vörn gegn bruna eða líffræðilegu áreiti eða verið án slíkrar meðhöndlunar</p> <p>Fylgihlutir fyrir smíðavið í burðarvirki</p> <p>Tengihlutar fyrir smíðavið í burðarvirki, geirhringar, sívalir stál- og tréblindar, tréskrúfur, snittaðir boltar, trésaumur</p>	Smíðaviður í burðarvirki		3 ⁽¹⁾

⁽¹⁾ 3. kerfi: Sjá annan kost í ii-lið 2. þáttar III. viðauka við tilskipun 89/106/EBE.

Forskriftin fyrir kerfið skal þannig úr garði gerð að hægt sé að nota hana, jafnvel þegar ekki er þörf á að ákvarða nothæfi tiltekins eiginleika, þar sem ekki hafa verið gerðar neinar lögboðnar kröfur um viðkomandi eiginleika í minnst einu aðildarríki (sjá 1. mgr. 2. gr. tilskipunar 89/106/EBE og, eftir atvikum, lið 1.2.3. í grunnskjölunum). Í slíkum tilvikum má ekki gera þá kröfu til framleiðandans að hann sannprófi viðkomandi eiginleika, óski hann ekki eftir að tilgreina nothæfi vörunnar í þeim efnunum.